

Sanela Klarić

Zastupni u Skupštini Kantona Sarajevo

Sarajevo, 15.09.2025. godine

Dostaviti:

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r Predsjedavajući g. Elvedin Okerić

Uputiti:

Vlada Kantona Sarajevo

Ministarstvo za odgoj i obrazovanje Kantona Sarajevo

JU Institut za razvoj preduniverzitetskog obrazovanja

PREDMET: Zastupnička inicijativa


Na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj 41/12, 15/13, 47/13, 47/15, 48/16, 9/20, 14/20 i 16/22), upućujem inicijativu Vladi Kantona Sarajevo, odnosno Ministarstvu za odgoj i obrazovanje Kantona Sarajevo i JU Institutu za obrazovanje Kantona Sarajevo **da u saradnji sa Zavodom za planiranje razvoja Kantona Sarajevo izradi elaborate o opravdanosti i potrebama za osnivanjem Osnovne muzičke škole na području Općine Novi Grad Sarajevo, a na osnovu kojeg bi se škola uvrstila u Plan osnivanja škola na području Kantona Sarajevo.**

O B R A Z L O Ž E N J E


Općina Novi Grad Sarajevo predstavlja najveću općinu u Bosni i Hercegovini prema broju stanovnika, s izraženim demografskim rastom i kontinuiranim povećanjem broja djece i mladih. Uprkos toj činjenici, na području Općine Novi Grad Sarajevo još uvijek ne postoji Osnovna muzička škola, što stvara značajan nedostatak u sistemu osnovnog obrazovanja i kulturnog razvoja. Rezultati ankete, koja je provedena od strane Asocijacije studenata Muzičke akademije u Sarajevu, među građanima jasno pokazuju želju i opredijeljenost roditelja i učenika za uspostavom Osnovne muzičke škole na području Novog Grada Sarajevo. Dobijeni podaci potvrđuju da postoji stvarna i urgentna potreba za institucionalizacijom muzičkog obrazovanja u ovoj općini. Muzičko obrazovanje kod djece uzrasta osnovne škole ima višestruke pozitivne efekte koji doprinose razvoju kognitivnih sposobnosti, koncentracije i discipline, potiču kreativnost i estetsku osjetljivost, te jačaju socijalne vještine kroz kolektivne muzičke aktivnosti poput hora i orkestra.

Imajući u vidu veličinu i značaj Općine Novi Grad Sarajevo, kao i postojeći disbalans u dostupnosti umjetničkog obrazovanja u odnosu na druge općine Kantona Sarajevo, neophodno je da Ministarstvo za odgoj i obrazovanje, u saradnji sa Institutom za razvoj preduniverzitetskog obrazovanja, izradi sveobuhvatan elaborat koji će precizno odrediti kadrovske, prostorne i finansijske kapacitete za osnivanje škole i uvrsti je u Plan osnivanja škola Kantona Sarajevo. Osnivanjem Osnovne muzičke škole na području ove općine omogućilo bi se djeci i mladima da razvijaju svoje muzičke talente u skladu sa savremenim pedagoškim standardima, unapređuju kulturni identitet zajednice i ostvaruju jednak pristup umjetničkom obrazovanju.


S poštovanjem,


Sanela Klarić


1. Da li živite u Općini Novi Grad?
186 odgovora




2. Da li imate dijete uzrasta između 1 i 8 godina?
186 odgovora




3. Ako ste roditelj, koliko djece imate u tom uzrastu?
186 odgovora




4. Da li biste podržali mogućnost da vaše dijete pohađa osnovnu muzičku školu tokom svog osnovnog obrazovanja?
187 odgovora




5. Da li ste ranije razmišljali o upisu svog djeteta u osnovnu muzičku školu?
186 odgovora




6. Da li vaše dijete već pohađa neku vrstu muzičke nastave (privatne časove, muzičke radionice itd.)?
185 odgovora




7. Ako da, koliko plaćate mjesečno za muzičku edukaciju?
19 odgovora




8. Šta bi vas motivisalo da upišete dijete u osnovnu muzičku školu? (možete označiti više opcija)
178 odgovora




9. Koliko bi vam bila važna blizina osnovne muzičke škole prilikom odluke o upisu?
181 odgovor




10. Koliko ste udaljeni od najbliže muzičke škole?
171 odgovor




11. Da li vaše dijete ima posebne obrazovne potrebe ili poteškoće u razvoju?
185 odgovora



12. Smatrate li da bi muzička škola trebala imati programe prilagođene djeci s posebnim potrebama?
184 odgovora



13. Koje biste inkluzivne mjere smatrali korisnim u osnovnoj muzičkoj školi? (možete označiti više opcija)
176 odgovora



14. Da li biste podržali upis djece s poteškoćama u razvoju u osnovnu muzičku školu?
186 odgovora

